

民國賓川縣志稿

詩鈔一

民國賓川縣志稿

一 詩鈔

詩文徵內篇

華首門 七言古

庚辰進士曾高掄字雲

鷄足之巔華首名雙銜飛甍自天成鐵崖陡削數千尺歛
四山根肖雉城城闕盤旋聳碧空崎嶇石級摩蒼穹飛磴
輟猿不可陟五丁奔鑿非人工昔傳尊者捧衣往直待當
來討補處阿僧祇劫定那伽瑤洞芝壇龍象護金縷歷劫
至今存石門常閉幾千春我聞此語疑還怖叱石開門語
不徑及翻大藏原非妄此理堪為知者論吾性真空原不
碍大地山河因弗屈一靈常住亘古今此衣窮劫稱不壞

箇之之妙遞相傳因相顯心非塵界天下名山亦跡多以
理求之非隱怪君不見我眉瓦屋幽絕處靈岩嶄嶄仙踪
去石花古色年不改仙人一去不相待天橋留作世人津
跨霧絙霞至今在我思石門亦惟此尊者無去亦無止石
門開閉總無心無孔壁中是玄旨

山中送張李兩公五言律

曾化龍
潛菴賓川

殘陽松徑裏寂寞獨歸時忽忽如有失昏昏不自支溪雲
隔深寺石澗擁流澌盡是關情處啼鴉語更悲

九重崖散步七言律

曾高捷

拄杖穿林問路賒白雲深處是吾家
靜聞谷鳥遷喬木間看林峯散午衙
翠壁泉聲穿亂石碧潭雲影透晴沙
蛩蛩塵事真難了堪歎浮生未有涯

過悉檀寺

五言律

曾高揆

尋幽來寶地幾度叩禪關
竹密猶聞磬嵐深不見山
潭清雲影細樹靜鳥聲閒
一笛松門路山僧帶月還

夏日獅林小憩

七言律

曾化龍

潛菴

六月寒生祇樹林
尋幽誰問薜蘿深
木魚聲遠傳清梵
茶竈煙濃避野禽
一徑草花添客思
半潭雲影弄秋陰
夕陽

欲下不歸去梧竹涓涓露滿襟

宿悉檀寺

張瑞揚

昏瘴棲遲頻夢歸
奔歌匝地戍烟微
恍然天上傳消息
偶爾人間混是非
破衲蒲團添幻景
寒泉古木駐禪機
清音寥亮知何處
却羨雲中玄鶴飛

再遊雞足山

張瑞揚

卧遊雞足上高臺
雲樹蒼蒼蔭綠苔
木客似驚人獨去
山林應笑我重來
放歌天地誰同調
寄跡烟霞自舉杯
清興未闌鵲喚醒
落霞高樹影徘徊

雨後遊玩虎居 七言律

庚午 舉人 曾學祖 念修

橫空疊翠觀雲窩石上惟餘虎跡多
一線緣雲迴細路千峯度雨瀉
長河經聲晝息窺僧定茶竈烟暝
聽鳥歌牢把一筇隨去住浮沉天地
任蹉跎

塔院眺望 五言絕句

曾高捷

一塔標晴眺千山送夕暉
高臺坐冰雪野翠濕人衣

遊山遇雨

張瑞揚

山形隨步改策杖看不倦
雲雨陡然興更覺山色變

鷄山散步 七言絕句

曾化龍

杜鵑花底日將西
獨立蒼茫意轉迷
瓊宇琳宮三十二
杖藜隨處在攀躋

飛瀑穿雲

七言絕句

明 曾化龍

高崖千尺碧流通
引霧牽烟亂遠風
回首晴空無雨色
玉龍斜掛白雲中

謁鄒公祠

曹高捷

日南星緯動旄頭
帝簡尚書運勝籌
劍拂紫霜驚虎豹
旌翻赤電擁貔貅
鐵橋征戰韋安撫
銅柱威名葛武侯
雖勒豐碑同帶礪
還宜俎豆薦千秋

羅荃寺晚眺

曾學祖

本章頸聯「小艇權來魚入穴」權字疑
是權之誤

痕霜侵海氣波瀾白烟
懸崖歌出客驚魂潮音

上滄湖

曾學祖

玉露催霜上敝裘問津何事賦悲秋
籬編成菴僧藏院雲起為山客倚樓
幾處漁竿煙水靜數聲村杵夕陽留
卜居最愜幽人興蘿月蘆花縱小舟

羅荃寺

楊暉吉
州人
歲貢

唐寺重新林半秋
扁舟載酒泛江樓
危崖樹古石欲落
小浦鷗閒人未遊
萬頃烟波凭短棹
幾朝事業對清流
浮生期在此間老
不向漁郎問渡頭

舟次海珠閣

楊暉吉

迎秋南去泛仙槎
滿載壺漿酒似霞
海放珠光雲弄影
樓喧蜃氣浪飛花
釣垂碧水潭無底
屏列蒼山畫半斜
何處月明今夜醉
柳蒲烟裏盡漁家

登雞足

楊暉吉

半生無一事三月兩登山
有興頻賒醉無愁只買閒
迢迢

躋雪窖登頓出塵寰不待僧留客何曾知倦還

原稿作「致祭郎事」應 悟州守張公賓居仁慈廟致祭即事調江
作即事

靈崖異派出淵泉時混混日涓涓
教暎溢無憂澤不偏
灌溉千疇成萬寶登國賦足民天
龍宮絳闕親森嚴近
者悅遠者虔陳牲薦璧詞吹樂喧
填蒙庥錫慶常安阜崇
厥報億斯年

其二

二月風和景物妍
橋拂日柳拖烟
境勝會啟笙鼓
啟華筵

冠裳胥慶同偕樂人似玉酒如泉
優伶巫覡劇仙喉
宛轉羽蹁躑更有奇珍寶玩物堦前綺麗瓊珊春畫錦祥
藹藹煥綿綿

春日過定西嶺詩

舉人 曾學祖 賓川

西嶺昆彌一逕懸武侯功烈著南天
白崖國刺荒城址赤
印文留峭壁巔地控金滄通絕徼
水開玉洱俯平川
春來
谷鳥催行色溪水桃花亦惘然

貞烈紀事詩

楊嘉棟

賓陽有女顏如玉生長深閨未曾出
平居不肯畫雙眉日

織能成縑一曲妾家門傍宰官橋慣聽琴堂檻檻車南國
已聞歌畏露西施猶自浣春紗盈盈十四春無主髻挽雙
丫依寡母綏綏求配有雄孤直傍高臺稱阿父阿父殷勤
保抱忙花枝花葉共相將一朝曲裏琴心變竟把嬌娃作
父看百計勾挑百未成春宵啼斷鷓鴣聲偶聽窗前風竹
影孤鳬枕上夢魂驚冲天無翼行無路寄宿高樓最高處
尚恐狂風天外來鷄衣百結連窮袴誰知色相已成空頃
刻羞顏翻作怒一番捶楚毒交加驟雨狂風亂如麻等閒
玉貌如泥土摧折賓陽一樹花此時無力挽廻波此際深

情喚奈何不作文君曲裏逃不作息婦生堵教瓦全玉碎
誰輕重一死恩仇兩地拋回首阿娘情已矣辜負愛憐掌
珠似十載烏私苦未酬一杯鵲酒甘如醴冤霧沉沉驚四
塞山河如醉未改色回顧悠悠行路人誰發幽冤慰貞魂
東洛孫君刺史賢三年循績著南滇一封箋草行千里兩
字綸音下九天天家褒美有恩光百尺高坊臨路旁藉藉
聲名千載貴蕭蕭玉骨一杯香嗟呼人生世上誰無死惟
有節烈重青史多少鬚眉好丈夫不及楊家一女子

貞烈紀事詩七律二首

鶴慶舉人彭坤年

離鸞一曲淚沾襟
母女孤孀苦不禁
舊帳今方偕鳳侶
高樓昨夜聽鴉音
寧為玉碎原兒志
莫怨投梭拂父心
鴆毒自甘無所恨
叮嚀好誦白頭吟

新寡文君學履霜
瑤琴忽聽鳳求凰
那堪孤雁雙棲穩
竟促離鸞一旦亡
無垢自能完白璧
生梯莫望有枯楊
芳魂地下今相慰
素質幽光萬古揚

貞烈紀事詩七律二首

邑人 朱鳳韶

一枝穠艷玉芙蓉
季女何期相鼠逢
佳偶未嘗求燕婉
戚施偏適此龍鍾
朝簪暮楚原兒命
節重身輕敢父從
視死

如歸儼未死綸音萬里荷褒封

父兮不父何痴迷妄冀老夫得女妻既與慈烏偕匹耦翻
思雛鳳效雙棲盈盈玉質春無價烈烈英風志不低幸遇
使君為噪雪芳名傳播藝林題

州牧孫紹曾留別賓川士民七律詩四首

雪案螢窗十五年青雲得路感蒼天儒曹學步慚無術子
舍承懽張五田避債苦難依北極奉親無奈到南滇花封
兩次將袍代補授賓陽許濫權

吾非矯俗不貪財矧係寒門萬里來只以讀書傷碩鼠敢

因茲仕味靈台官箴自守盟幽獨衆願難償愧不才除卻
俸廉同賦稅絲毫未取聽天雷

經綸學問兩空疎深悔當年少讀書遇事但知心力盡違
時那計利名虛仰思循吏慚無地俯察儒生愧不如德禮
未修刑政拙悠悠忽忽六年餘

思留思逐苦相爭曲直求全斷不平欲學模稜推兩可轉
增愧作到三更連番擬議情難決五夜思量計忽生要識
是非將孰定焚香同去質神明

楊嘉棟勉步孫州牧原韵三首